

金剛頂一切如來真實攝大乘現證大教王經

唐特進試鴻臚卿三藏沙門大廣智不空奉 詔譯



清刻龍藏佛說法變相圖

金剛頂一切如來真實攝大乘現證大教王
經卷上

流二

唐特進試鴻臚卿三藏沙門大廣智不空奉詔譯

金剛界大曼荼羅廣大儀軌品之一

如是我聞一時婆伽梵成就一切如來金剛

流二

加持殊勝三昧耶智得一切如來寶冠三界

法王灌頂證一切如來一切智智瑜伽自在

能作一切如來一切印平等種種事業於無

盡無餘一切衆生界一切意願作業皆悉成

就大悲毗盧遮那常恒住三世一切身口心

金剛如來一切如來遊戲處住阿迦尼吒天

王宮中大摩尼殿種種間錯鈴鐸繒幡微風

搖激珠鬘瓔珞半滿月等而爲莊嚴與九十

俱胝菩薩衆俱所謂金剛手菩薩摩訶薩聖

觀自在菩薩摩訶薩曼殊室利童真菩薩摩

訶薩虛空藏菩薩摩訶薩金剛拳菩薩摩訶
薩纔發心轉法輪菩薩摩訶薩虛空庫菩薩
摩訶薩摧一切魔力菩薩摩訶薩如是等菩
薩摩訶薩而爲上首與恒河沙等數如來猶
如胡麻示現滿於閻浮提於阿迦尼吒天亦
復如是彼無量數如來身從一一身現無量
阿僧祇佛刹於彼佛刹還說此法理趣時婆
伽梵大毗盧遮那如來常住一切虛空一切
如來身口心金剛一切如來互相涉入一切
金剛界覺悟智薩埵一切虛空界微塵金剛
加持所生智藏一切如來無邊故大金剛智
灌頂寶一切虛空舒徧眞如智爲現證三菩
提一切如來自身性清淨故自性清淨一切
法徧一切虛空能現一切色智盡無餘調伏
有情界行最勝一切如來不空作教令故一

切平等無上巧智一切如來大菩提堅固薩
埵一切如來鉤召三昧耶一切如來隨染智
自在一切如來善哉一切如來灌頂寶一切
如來日輪圓光一切如來思惟王摩尼寶幢
一切如來大笑一切如來大清淨法一切如
來般若智一切如來輪一切如來秘密語一
切如來不空種種事業一切如來大精進妙
堅固甲冑一切如來徧守護金剛藥叉一切
如來身口心金剛印智
普賢妙不空 摩羅極喜王 虛藏大妙光
寶幢大微笑 能觀大自在 曼殊一切壇
無言種種業 精進怒堅持 金剛鉤箭喜
寶日幢播笑 蓮劒妙輪語 羯磨甲怖持
無始無終寂 暴怒大安忍 藥叉羅刹曼
威猛大富貴 歸摩天世主 毗紐勝大寂

世護虛空地 三世及三界 大種善人益
諸設縛祖父 流轉涅槃常 正流轉大火
覺清淨大乘 三有常恒者 降三世食樂
主宰諸能調 堅主妙地勝 智彼岸理趣
解脫覺有情 行一切如來 覺利益佛心

諸菩提無上 徧照最勝王 自然總持念
大薩埵大印 等持佛作業 一切佛爲身
薩埵常益覺 大根本大黑 大染欲大樂
大方便大勝 諸勝宮自在

婆伽梵大菩提心普賢大菩薩住一切如來
心時一切如來滿此佛世界猶如胡麻爾時
一切如來雲集於一切義成就菩薩摩訶薩
坐菩提場往詣示現受用身咸作是言善男
子云何證無上正等菩提不知一切如來真
實忍諸苦行時一切義成就菩薩摩訶薩由

一切如來警覺即從阿婆頗那伽三摩地起
禮一切如來白言世尊如來敎示我云何修
行云何是真實如是說已一切如來異口同
音告彼菩薩言善男子當住觀察自心三摩
地以自性成就真言自恣而誦

唵一引質多鉢囉合底切以微騰迦嚕弭二

時菩薩白一切如來言世尊如來我徧知己
我見自心形如月輪一切如來咸告言善男
子心自性光明猶如徧修功用隨作隨獲亦
如素衣染色隨染隨成時一切如來爲令自

性光明心智豐盛故復勅彼菩薩言

唵一引菩提質多二畝怛波訖娜夜弭三

以此性成就真言令發菩提心時彼菩薩復
從一切如來承旨發菩提心已作是言如彼
月輪形我亦如月輪形見一切如來告言汝

已發一切如來普賢心獲得齊等金剛堅固
善住此一切如來普賢發心於自心月輪思
惟金剛形以此真言

唵一引底瑟姤合二縛日囉二合

菩薩白言世尊如來我見月輪中金剛一切
如來咸告言令堅固一切如來普賢心金剛
心以此真言

唵一引縛日囉二合怛麼俱引唵二

所有徧滿一切虛空界一切如來身口心金
剛界以一切如來加持悉入於薩埵金剛則

一切如來於一切義成就菩薩摩訶薩以金

剛名號金剛界金剛界灌頂時金剛界菩薩
摩訶薩白彼一切如來言世尊如來我見一
切如來爲自身一切如來復告言是故摩訶
薩一切薩埵金剛具一切形成就觀自身佛

形以此自性成就真言隨意而誦

唵一引也他薩縛怛他誡多二薩怛合二他唵三

作是言已金剛界菩薩摩訶薩現證自身如
來盡禮一切如來已白言惟願世尊諸如來
加持於我令此現證菩提堅固作是語已一

切如來入金剛界如來彼薩埵金剛中時世

尊金剛界如來當彼剎那項現證等覺一切

如來平等智入一切如來平等智三昧耶證

一切如來法平等智自性清淨則成一切如

來平等自性光明智藏如來應供正徧知時

一切如來復從一切如來薩埵金剛出以虛

空藏大摩尼寶灌頂發生觀自在法智安立

一切如來毗首羯磨由此往詣須彌盧頂金

剛摩尼寶峯樓閣至已金剛界如來以一切

如來加持於一切如來師子座一切面安立

說二

五

時不動如來寶生如來觀自在王如來不空成就如來一切如來以一切如來加持自身婆伽梵釋迦牟尼如來一切平等善通達故一切方等觀察四方而住爾時世尊毗盧遮那如來不久現證等覺一切如來普賢心獲得一切如來虛空發生大摩尼寶灌頂得一切如來觀自在法智彼岸一切如來毗首羯磨不空無礙教圓滿事業圓滿意樂一切如來性於自身加持即入一切如來普賢摩訶菩提薩埵三昧耶出生薩埵加持金剛三摩地一切如來大乘現證三昧耶名一切如來心從自心出

轉日囉

合二薩怛轉同二合下句

纔出一切如來心即彼婆伽梵普賢爲衆多月輪普淨一切有情大菩提心於諸佛所周

圍而住從彼衆多月輪出一切如來智金剛即入婆伽梵毗盧遮那如來心由普賢堅牢故從金剛薩埵三摩地由一切如來加持合爲一體量盡虛空徧滿成五峯光明一切如來身口心出生金剛形從一切如來心出住佛掌中復從金剛出金剛形種種色相舒徧照耀一切世界從彼金剛光明門出一切世界微塵等如來身徧周法界究竟一切虛空徧一切世界雲海徧證一切如來平等智神境通發一切如來大菩提心成辦普賢種種行承事一切如來往詣大菩提場摧諸魔軍證成一切如來平等大菩提轉正法輪乃至拔濟一切利益安樂盡無餘有情界成就一切如來智最勝神境通悉地等示現一切如來神通遊戲普賢故金剛薩埵三摩地妙堅

卷二

六

牢故聚爲一體生普賢摩訶菩提薩埵身住
世尊毗盧遮那佛心而說唄陀南

奇哉我普賢 堅薩埵自然 從堅固無身
獲得薩埵身

時普賢大菩提薩埵身從世尊心下一切如
來前依月輪而住復請教令時婆伽梵入一
切如來智三昧耶脫金剛三摩地受用一切
如來戒定慧解脫解脫知見轉正法輪利益
有情大方便力精進大智三昧耶無盡無餘
拔濟有情界一切主宰安樂悅意故乃至得
一切如來平等智神境通無上大乘現證最
勝悉地果故一切如來成就金剛授與彼普
賢摩訶菩提薩埵一切如來轉輪王灌頂以
一切佛身寶冠繒綵灌頂已授與雙手則一
切如來以金剛名號金剛手金剛手灌頂時

金剛手菩薩摩訶薩左慢右舞弄跋折羅則
彼金剛安自心持增進勢說此唄陀南

此是一切佛 成金剛無上 授與我手掌
金剛加金剛

爾時世尊復入不空王大菩薩三昧耶所生

薩埵加持名金剛三摩地名一切如來鉤召

三昧耶一切如來心從自心出

縛日囉_二邏_{引惹句一}

從一切如來心纔出已則彼婆伽梵金剛手
爲一切如來大鉤出已入世尊毗盧遮那心
聚爲一體生金剛大鉤形住佛掌中從金剛
大鉤形出現一切世界微塵等如來身召請
一切如來等作一切佛神通遊戲妙不空王
故金剛薩埵三摩地極堅牢故聚爲一體生
不空王大菩薩身住毗盧遮那佛心說此唄

陀南

奇哉不空王 金剛所生鉤 由徧一切佛

爲成就鉤召

時不空王大菩薩身從佛心下依一切如來
右月輪而住復請教令時婆伽梵入一切如

來鉤召三昧耶名金剛三摩地受一切如來

鉤召三昧耶盡無餘有情界一切鉤召一切

安樂悅意故乃至一切如來集會加持最勝

悉地故則彼金剛鉤授與不空王大菩薩雙

手一切如來以金剛名號金剛鉤召金剛鉤

召灌頂時金剛鉤召菩薩摩訶薩以金剛鉤

召一切如來說此唄陀南

非是一切佛 無上金剛智 成諸佛利益

最上能鉤召

爾時婆伽梵復入摩羅大菩薩三昧耶出生

流二

八之二

薩埵加持名金剛三摩地一切如來隨捺三

昧耶名一切如來心從自心出

縛日囉合邏誡句

從一切如來心纔出已即彼婆伽梵持金剛

爲一切如來華器仗出已入世尊毗盧遮那

佛心聚爲一體生大金剛箭形住佛掌中從

彼金剛箭形出一切世界微塵等如來身作

一切如來隨捺等作一切佛神通遊戲極殺

故金剛薩埵三摩地極堅牢故聚爲一體生

摩羅大菩薩身住世尊毗盧遮那佛心說此

流二

八之二

唄陀南

奇哉自性淨 隨捺欲自然 離欲清淨故

以捺而調伏

時彼摩羅大菩薩身從世尊心下依一切如

來左月輪而住復請教令時世尊入一切如

來隨添加持名金剛三摩地受一切如來能
殺三昧耶盡無餘有情界隨添一切安樂悅
意故乃至得一切如來摩羅業最勝悉地果
故則彼金剛箭授與摩羅大菩薩雙手則一
切如來以金剛名號金剛弓金剛弓灌頂時
金剛弓菩薩摩訶薩以金剛箭殺一切如來
說此唄陀南

此是一切佛 添智無瑕穢 以添害獸離
能施諸安樂

爾時婆伽梵復入極喜王大菩薩三昧耶所

生薩埵加持名金剛三摩地一切如來極喜

三昧耶名一切如來心從自心出

縛日羅_二娑度_一

從一切如來心纔出已則彼婆伽梵持金剛
爲一切如來善哉相入世尊毗盧遮那佛心

聚爲一體生大歡喜形住佛掌中從彼歡喜
形出一切世界微塵等如來身作一切如來
善哉相作一切佛神通遊戲極喜故金剛薩
埵三摩地極堅牢故聚爲一體生歡喜王大
菩薩身住世尊毗盧遮那佛心說此唄陀南
奇哉我善哉 諸一切勝智 所離分別者
能生究竟喜

時歡喜王大菩薩身從世尊心下依一切如
來後月輪而住復請教令時世尊入一切如
來等喜加持名金剛三摩地已受一切如來
極喜智金剛三昧耶盡無餘有情界受一切
等喜一切安樂悅意故乃至得一切如來無
上喜味最勝悉地果故則彼金剛喜授彼歡
喜王大菩薩摩訶薩雙手則一切如來以金
剛名號金剛喜金剛喜灌頂時金剛喜菩薩

摩訶薩歡金剛喜善哉相歡悅一切如來說
此唄陀南

此是一切佛 能轉善哉相 作諸喜金剛
妙喜令增長

大菩提心一切如來鉤召三昧耶一切如來
隨染智大歡喜如是一切如來大三昧耶薩
埵爾時婆伽梵復入虛空藏大菩薩三昧耶
所生寶加持名金剛三摩地一切如來灌頂
三昧耶名一切如來心從自心出

縛日囉二合囉怛曩二合一句

從一切如來心流二纔出已一切虛空十平等性智
善通達故金剛薩埵三摩地極堅牢故聚爲
一體則彼婆伽梵持金剛爲一切虛空光明
出已以一切虛空光明照曜一切有情界成
一切虛空界以一切如來加持一切虛空界

入世尊毗盧遮那佛心善修習故金剛薩埵
三摩地一切虛空界胎藏所成一切世界徧
滿等量出生大金剛寶形住佛掌中從彼金
剛寶形出一切世界微塵等如來身出生已
作一切如來灌頂等於一切世界作一切如
來神通遊戲虛空界胎藏妙出生故金剛薩
埵三摩地極堅牢故聚爲一體生虛空藏大
菩薩身住世尊毗盧遮那佛心說此唄陀南
奇哉妙灌頂 無上金剛寶 由佛無所著
名爲三界主

時彼虛空藏大菩薩身從世尊心下依一切
如來前月輪而住復請教今時世尊入一切
如來大摩尼寶名金剛三摩地受一切如來
圓滿意樂三昧耶盡無餘有情界獲一切義
利受一切安樂悅意故乃至得一切如來利

益最勝榮盛悉地故受彼金剛摩尼與彼虛
空藏大菩薩摩訶薩金剛寶轉輪王授與金
剛寶牙灌頂安於雙手則一切如來以金剛
名號金剛藏金剛藏灌頂時金剛藏菩薩摩
訶薩以金剛摩尼安自灌頂處說此唄陀南
此是一切佛 灌頂有情界 授與我手掌
寶安於寶中

爾時婆伽梵復入大威光大菩薩三昧耶出
生寶加持名金剛三摩地一切如來光三昧
耶名一切如來心從自心出

縛日囉

合二帝惹句一

從一切如來心纔出已即彼婆伽梵金剛手
爲衆多大日輪出已入世尊毗盧遮那佛心
聚爲一體生大金剛日形住佛掌中從彼金
剛日輪出一切世界微塵等如來身放一切

如來光明等作一切佛神通遊戲極大威光
故金剛薩埵三摩地極堅牢故聚爲一體生
大威光菩薩摩訶薩身住世尊毗盧遮那佛
心說此唄陀南

奇哉無比光 照曜有情界 能淨清淨者
諸佛教世者

時彼無垢大威光菩薩身從世尊心下依一
切如來右月輪而住復請教今時世尊入一
切如來圓光加持名金剛三摩地受一切如
來光三昧耶盡無餘有情界無比光一切安
樂悅意故乃至得一切如來自光明最勝悉
地故金剛日授與大威光菩薩摩訶薩雙手
則一切如來以金剛名號金剛光金剛光灌
頂時金剛光菩薩摩訶薩以彼金剛日照曜
一切如來說此唄陀南

流二

十二

此是一切佛 能壞無智暗 設微塵數日
此光超於彼

爾時婆伽梵復入寶幢大菩薩三昧耶出生
寶加持名金剛三摩地一切如來滿意願三
昧耶名一切如來心從自心出

縛日羅 合二計都句

從一切如來心纔出已即從婆伽梵持金剛
爲種種色幢幡莊嚴形出已入世尊毗盧遮
那佛心聚爲一體生金剛幢形住佛掌中從
彼金剛幢形出一切世界微塵等如來身建
一切如來寶幢等作一切佛神通遊戲大寶
幢故金剛薩埵三摩地極堅牢故聚爲一體
生寶幢大菩薩身住世尊毗盧遮那佛心說
此唄陀南

奇哉無比幢 一切益成就 一切意滿者

令滿一切願

時彼寶幢大菩薩身從世尊心下依一切如
來左月輪而住復請教令時世尊入一切如
來建立加持名金剛三摩地受一切如來思
惟王摩尼幢能建三昧耶盡無餘有情界令

滅二

十三

一切意願圓滿一切安樂悅意故乃至得一
切如來大利益最勝悉地果故則彼金剛幢
授彼寶幢菩薩摩訶薩雙手則一切如來以
金剛名號金剛幢金剛幢灌頂時彼金剛幢
菩薩摩訶薩以金剛幢安立一切如來於檀
波羅蜜說此唄陀南

此是一切佛 能滿諸意欲 名思惟寶幢
是檀度理趣

爾時婆伽梵復入常喜悅大菩薩三昧耶出
生寶加持名金剛三摩地一切如來喜悅三

昧耶名一切如來心從自心出

縛日羅_二賀婆_一

從一切如來心纔出已即彼婆伽梵持金剛
爲一切如來微笑出已入世尊毗盧遮那佛
心聚爲一體生金剛笑形住佛掌中從金剛
笑形出一切世界微塵等如來身作一切如
來奇特等作一切佛神通遊戲常喜悅根故
金剛薩埵三摩地極堅牢故聚爲一體生常
喜悅根大菩薩身住世尊毗盧遮那佛心說
此唄陀南

奇哉我大笑 諸勝大奇特 安立佛利益

常住妙等引

時彼常喜悅根大菩薩身從世尊心下依一
切如來後月輪而住復請教令時世尊入一
切如來奇特加持名金剛三摩地受一切如

來出現三昧耶盡無餘有情界一切根無上

安樂悅意故乃至得一切如來根清淨智神

境通果故則彼金剛微笑授與彼常喜悅根

大菩薩摩訶薩雙手則一切如來以金剛名

號金剛喜金剛喜灌頂時金剛喜菩薩摩訶

薩以金剛微笑悅一切如來說此唄陀南

此是一切佛 奇哉示出現 能作大喜悅

他師不能知

大灌頂尋圓光有情大利大笑如是一切如

來大灌頂薩埵爾時婆伽梵復入觀自在大

菩薩三昧耶出生法加持名金剛三摩地一

切如來法三昧耶名一切如來心從自心出

縛日羅_二達摩_一

從一切如來心纔出已即彼婆伽梵持金剛

自性清淨一切法平等智善通達故金剛薩

埵三摩地爲正法光明出已以彼正法光明
照耀一切世界成爲法界盡法界入世尊毗
盧遮那佛心聚爲一體量徧虛空法界生大
蓮華形住佛掌中從彼金剛蓮華形出一切
世界微塵等如來身一切如來三摩地智神

境通等作一切佛神通遊戲於一切世界妙
觀自在故金剛薩埵三摩地極堅牢故聚爲
一體生觀自在大菩薩身住世尊毗盧遮那
佛心說此唄陀南

奇哉我勝義

流二

本清淨自然

十五

諸法如筏喻

清淨而可得

時彼觀自在大菩薩身從世尊心下依一切
如來前月輪而住復請教令時世尊入一切
如來三摩地智三昧耶出生名金剛三摩地
能淨一切如來盡無餘有情界我清淨一切

安樂悅意故乃至得一切如來法智神境通
果故則彼金剛蓮華授與觀自在菩薩摩訶
薩正法轉輪王授與一切如來法身灌頂灌
於雙手則一切如來以金剛名號金剛眼金
剛眼灌頂時金剛眼菩薩摩訶薩則彼金剛
蓮華如開敷蓮華勢觀察貪染清淨無染著
自性觀已說此唄陀南

此是一切佛 覺悟欲真實 授與我手掌
法安立於法

爾時婆伽梵復入曼殊室利大菩薩三昧耶
出生法加持名金剛三摩地一切如來大智
慧三昧耶名一切如來心從自心出

縛日羅

二底乞灑拏三句

從一切如來心纔出已即彼婆伽梵持金剛
爲衆多慧劍出已入世尊毗盧遮那佛心聚

爲一體生金剛劍形住佛掌中則從彼金剛
劍形出一切世界微塵等如來身一切如來
智慧等作一切佛神通遊戲妙吉祥故金剛
薩埵三摩地極堅牢故聚爲一體生曼殊室
利大菩薩身住世尊毗盧遮那佛心說此唄
陀南

奇哉一切佛 我名微妙音 由慧無色故
音聲而可得

時彼曼殊室利大菩薩身從世尊心下依一
切如來右月輪而住復請教今時世尊入一

切如來智慧三昧耶名金剛三摩地斷一切

流二

十六

如來結使三昧耶盡無餘有情界斷一切苦
受一切安樂悅意故乃至得一切如來隨順
音聲慧圓滿成就故則彼金剛劍授與曼殊
室利大菩薩摩訶薩雙手則一切如來以金

剛名號金剛慧金剛慧灌頂時金剛慧菩薩
摩訶薩以金剛劍揮斫說此唄陀南

此是一切佛 智慧度理趣 能斷諸怨敵
罪諸罪最勝

爾時婆伽梵復入纔發心轉法輪菩薩摩訶
薩三昧耶出生法加持名金剛三摩地一切
如來輪三昧耶名一切如來心從自心出

嚩日囉

二係都句一

從一切如來心纔出已彼婆伽梵持金剛成
金剛界大曼荼羅爲一切如來大曼荼羅出
已入世尊毗盧遮那佛心聚爲一體生金剛
輪形住佛掌中從彼金剛輪形出一切世界
微塵等如來身纔發心轉法輪故金剛薩埵
三摩地極堅牢故聚爲一體生纔發心轉法
輪菩薩摩訶薩身住世尊毗盧遮那佛心說

流二

十七

此唄陀南

奇哉金剛輪 我金剛勝持 由纔發心故
能轉妙法輪

時彼纔發心轉法輪大菩薩身從世尊心下
依一切如來左月輪而住復請教令時世尊
入一切如來輪名金剛三摩地一切如來大
曼荼羅三昧耶盡無餘有情界令入得不退
轉法輪受一切安樂悅意故乃至轉一切如
來正法輪最勝悉地故則彼金剛輪授與纔
發心轉法輪大菩薩摩訶薩雙手則一切如
來以金剛名號金剛場金剛場灌頂時彼金
剛場菩薩摩訶薩以彼金剛輪令一切如來
安立不退轉說此唄陀南
此是一切佛 能淨一切法 是則不退轉
亦名菩提場

爾時婆伽梵復入無言大菩薩摩訶薩三昧
耶出生法加持名金剛三摩地一切如來念
誦三昧耶名一切如來心從自心出

縛日羅合婆沙句

從一切如來心纔出已即彼婆伽梵金剛手
爲一切如來法文字出已入世尊毗盧遮那
佛心聚爲一體生金剛念誦形住佛掌中從
彼金剛念誦形出一切世界微塵等如來身
一切如來法性等作一切佛神通遊戲妙語
言故金剛薩埵三摩地極堅牢故聚爲一體
生無言大菩薩身住世尊毗盧遮那佛心說
此唄陀南

奇哉自然密 我名秘密語 所說微妙法
遠離諸戲論
時彼無言大菩薩身從世尊心下依一切如

來後月輪而住復請教令時世尊入一切如
來三昧耶盡無餘有情界令語成就受一切
安樂悅意故乃至得一切如來語秘密體性
最勝悉地故則彼金剛念誦授與無言大菩
薩摩訶薩雙手則一切如來以金剛名號金
剛語金剛語灌頂時金剛語菩薩摩訶薩以
彼金剛念誦共一切如來談論說此唵陀南
此是一切佛名金剛念誦於一切如來
真言速成就金剛法智性一切如來智
慧大輪轉智一切如來語輪轉戲論智

此是一切如來大智薩埵

金剛頂一切如來真實攝大乘現證大教王
經卷上

音釋

鐸達各拜切縣婢切唵陀南梵語也此云自
說唵烏骨切

金剛頂一切如來真實攝大乘現證大教王經卷中

流三

唐辯達謨鴻臚卿三藏沙門大廣智不空奉詔譯

大曼荼羅廣大儀軌品之二

爾時婆伽梵復入一切如來毗首羯磨大菩

薩三昧耶出生羯磨加持名金剛三摩地一

切如來羯磨三昧耶名一切如來心從自心

出

縛日囉合二羯磨句一

從一切如來心纔出已一切如來羯磨平等

智善通達故金剛薩埵三摩地即彼婆伽梵

持金剛爲一切如來羯磨光明出已以彼一

切如來羯磨光明照耀一切有情界爲一切

如來羯磨界其盡一切如來羯磨界入世尊

毗盧遮那佛心聚爲一體量徧一切虛空界

則一切如來羯磨界故生羯磨金剛形住佛

掌中則從羯磨金剛形出一切世界微塵等

如來身於一切世界一切如來羯磨等作一

切佛神通遊戲作一切如來無邊事業故金

剛薩埵三摩地極堅牢故聚爲一體生一切

如來毗首羯磨大菩薩摩訶薩身住世尊毗

盧遮那佛心說此唄陀南

奇諸佛不空 我一切業多 無功作佛益

能轉金剛業

爾時毗首羯磨大菩薩身從世尊心下依一

切如來前月輪而住復請教令時世尊入一

切如來不空金剛三昧耶名金剛三摩地轉

一切供養等無量不空一切業軌儀廣大三

昧耶盡無餘有情界作一切悉地受一切安

樂悅意故乃至成就一切如來金剛羯磨性

智神境通果故則彼羯磨金剛授與一切如
來金剛羯磨大菩薩爲一切如來羯磨轉輪
王以一切如來灌頂授與雙手則一切如來
以金剛名號金剛毗首金剛毗首灌頂時彼
金剛毗首菩薩摩訶薩則安立羯磨金剛於
自心令安一切如來羯磨平等處說此唄陀
南

流三

此是一切佛 作種種勝業 授於我掌中
以業安於業

爾時婆伽梵復入難敵精進大菩薩摩訶薩
三昧耶出生羯磨加持名金剛三摩地一切
如來守護三昧耶名一切如來心從自心出
縛日羅_二合_一路乞沙_二合_一

從一切如來心纔出已即彼婆伽梵金剛手
爲衆多堅固甲冑出已入世尊毗盧遮那佛

心聚爲一體生大金剛甲冑形住佛掌中從
彼金剛甲冑形出一切世界微塵等如來身
一切如來守護儀軌廣大事業等作一切佛
神通遊戲難敵精進故金剛薩埵三摩地極
堅牢故聚爲一體生難敵精進大菩薩身住
世尊毗盧遮那佛心說此唄陀南

奇哉精進甲 我固堅固者 由堅固無身
作金剛勝身

流三

時彼難敵精進大菩薩身從世尊心下依一
切如來右月輪而住復請敎令時世尊入一
切如來堅固名金剛三摩地一切如來精進
波羅蜜三昧耶救護盡無餘有情界受一切
安樂悅意故乃至得一切如來金剛身成就
果故則金剛甲冑授與難敵精進大菩薩雙
手則一切如來以金剛名號金剛慈友金剛

慈友灌頂時彼金剛慈友菩薩摩訶薩以金剛甲冑被一切如來說此唄陀南

此是一切佛 最勝慈甲冑 堅精進大護名爲大慈友

爾時婆伽梵復入摧一切魔大菩薩摩訶薩

三昧耶出生羯磨加持名金剛三摩地一切如來方便三昧耶名一切如來心從自心出

縛日囉_{二合}藥乞灑_{二合}一句

從一切如來心纔出已即彼婆伽梵持金剛爲衆多大牙器仗出已入世尊毗盧遮那佛

心聚爲一體生金剛牙形住佛掌中從彼金剛牙形出一切世界微塵等如來身作一切降伏暴怒等爲一切佛神通遊戲一切魔善摧伏如金剛薩埵三摩地極堅牢故聚爲一體生摧一切魔大菩薩身住世尊毗盧遮那

佛心說此唄陀南

奇哉大方便 諸佛之悲愍 由有形寂靜

示作異怒形

時彼摧一切魔大菩薩身從世尊心下依一

切如來左月輪而住復請教令時世尊入一

切如來極怒金剛三摩地一切如來調伏難

調盡無餘有情界施無畏受一切安樂悅意

故乃至得一切如來大方便智神境通最勝

悉地果故則彼金剛牙器仗授與彼摧一切

魔大菩薩雙手則一切如來以金剛名號金

三

剛暴怒金剛暴怒灌頂時彼金剛暴怒菩薩

摩訶薩以彼金剛牙器仗安自口中恐怖一

切如來說此唄陀南

此是一切佛 調伏諸難調 金剛牙器仗

方便悲愍者

爾時婆伽梵復入一切如來拳大菩薩摩訶
薩三昧耶出生羯磨加持名金剛三摩地一
切如來身口心金剛縛三昧耶名一切如來
心從自心出
縛日囉_二散地_一

從一切如來心纔出已即彼婆伽梵持金剛
爲一切如來一切印縛出已入世尊毗盧遮
那佛心聚爲一體生金剛縛形住佛掌中從
彼金剛縛形出一切世界微塵等如來身出
已於一切世界一切如來印縛智等作一切
佛神通遊戲一切如來拳善縛故金剛薩埵
三摩地極堅牢故聚爲一體生一切如來拳
大菩薩身住世尊毗盧遮那佛心說此唄陀
南
奇哉妙堅縛 我堅三昧耶 成諸意樂故

流三

五

解脫者爲縛

時彼一切如來拳大菩薩身從世尊心下依
一切如來後月輪而住復請教令世尊入一
切如來三昧耶名金剛三摩地一切如來印
三昧耶盡無餘有情界令一切如來聖天現
驗一切悉地受一切安樂悅意故乃至得一
切如來一切智智印主宰最勝悉地果故則
彼金剛縛授與一切如來金剛拳大菩薩摩
訶薩雙手則彼一切如來以金剛名號金剛
拳金剛拳灌頂時彼金剛拳菩薩摩訶薩以
彼金剛縛縛一切如來說此唄陀南
此是一切佛 印縛大堅固 速成諸印故
不越三昧耶
一切如來供養廣大儀軌業一切如來大精
進堅固甲冑一切如來大方便一切如來一

切印縛智如是一切如來大羯磨薩埵爾時
不動如來成就世尊毗盧遮那一切如來智
已印一切如來智故入金剛波羅蜜三昧耶
所生金剛加持名金剛三摩地一切如來金
剛三昧耶名一切如來印從自心出

薩怛縛_{二縛日哩一句}

從一切如來心纔出已出金剛光明從彼金
剛光明門即彼婆伽梵持金剛爲一切世界
微塵等如來身印一切如來智復聚爲一體
等一切世界量生大金剛形依世尊毗盧遮

那佛前月輪而住說此唄陀南

奇哉一切佛 薩埵金剛堅 由堅無身故
獲得金剛身

爾時世尊寶生如來印世尊毗盧遮那一切
如來智故入寶波羅蜜三昧耶所生寶金剛

法三

六

加持名金剛三摩地金剛三昧耶名自印從
自心出

羅怛曩_{二縛日哩二句}

從一切如來心纔出已出寶光明從彼寶光
明即彼婆伽梵持金剛爲一切世界微塵等
如來身印一切如來智復聚爲一體等一切
世界量生大金剛寶形依世尊毗盧遮那右
月輪而住說此唄陀南

奇哉一切佛 我名寶金剛 於一切印衆
堅灌頂理趣

爾時世尊觀自在王如來印世尊毗盧遮那
一切如來智故入法波羅蜜三昧耶所生金
剛加持名金剛三摩地法三昧耶名自印從
自心出

達摩縛日哩_{二句}

從一切如來心纔出已出蓮華光明從彼蓮

華光明即彼婆伽梵持金剛爲一切世界微

塵等如來身印一切如來智復聚爲一體等

一切世界量生大金剛蓮華形依世尊毗盧

遮那佛後月輪而住說此唄陀南

流三

奇哉一切佛 法金剛我淨 由自性清淨

令貪染無垢

爾時世尊不空成就如來印毗盧遮那一切

如來智故入一切波羅蜜三昧耶所生金剛

加持名金剛三摩地一切三昧耶名自印從

自心出

羯磨縛日哩

二合一句

從一切如來心纔出已出一切羯磨光明從

彼一切如來羯磨光明即從婆伽梵持金剛

爲一切世界微塵等如來身徧印一切如來

智復聚爲一體等一切世界量面向一切處

生大羯磨金剛形依世尊毗盧遮那佛左月

輪而住說此唄陀南

奇哉一切佛 我多業金剛 由一成一切

佛界善作業

一切如來智三昧耶大灌頂金剛法性一切

供養如是一切如來大波羅蜜

爾時世尊毗盧遮那佛復入一切如來適悅

供養三昧耶所生名金剛三摩地一切如來

族大天女從自心出

縛日囉

二合邏西一句

從一切如來心纔出已出金剛印從彼金剛

印門則彼婆伽梵持金剛爲一切世界微塵

等如來身復聚爲一體爲金剛嬉戲大天女

如金剛薩埵一切身性種種形色威儀一切

莊嚴具攝一切如來族金剛薩埵女依世尊
不動如來曼荼羅左邊月輪而住說此唄陀
南

奇哉無有比 諸佛中供養 由貪染供養
能轉諸供養

爾時世尊毗盧遮那復入一切如來寶髻灌

流三

八

頂三昧耶所生名金剛三摩地一切如來族
大天女從自心出

縛日囉

合二摩犁句一

從一切如來心纔出已出大寶印從彼大寶

印則彼婆伽梵持金剛爲一切世界微塵等

如來身復聚爲一體爲金剛鬘大天女依世

尊寶生如來曼荼羅左邊月輪而住說此唄

陀南

奇哉我無比 稱爲寶供養 於三界王勝

教勅受供養

爾時世尊毗盧遮那復入一切如來歌詠供
養三昧耶所生名金剛三摩地一切如來族

大天女從自心出

縛日囉

合二覓切以帝句一

從一切如來心纔出已出一切如來法印從

彼一切如來法印則彼婆伽梵持金剛爲一

切世界微塵等如來身復聚爲一體爲金剛

歌詠大天女依世尊觀自在王如來左邊月

輪而住說此唄陀南

流三

奇哉成歌詠 我供諸見者 由此供喜故

九

諸法如響應

爾時世尊毗盧遮那復入一切如來舞供養

所生名金剛三摩地一切如來族大天女從

自心出

縛日羅_{合二}你哩_{合二}帝曳_{句一}

從一切如來心纔出已出一切如來舞廣大
儀從彼出一切如來舞供養儀則彼婆伽梵
持金剛爲一切世界微塵等如來身復聚爲
一體爲金剛舞大天女依世尊不空成就如
來左邊月輪而坐說此唄陀南

奇哉廣供養 作諸供養故 由金剛舞儀
安立佛供養

一切如來無上安樂悅意三昧耶故一切如
來鬘一切如來諷誦一切如來無上作供養
業如是一切如來秘密供養爾時世尊不動
如來奉答毗盧遮那如來供養故入一切如
來能悅懌三昧耶所生名金剛三摩地一切
如來如婢使從自心出

縛日羅_{合二}杜閉_二句_合

從一切如來心纔出已則彼婆伽梵持金剛

爲種種儀燒香供養雲海嚴飾舒徧一切金
剛界出已從彼燒香供養雲海出一切世界
微塵等如來身復聚爲一體爲金剛燒香天
女身依世尊金剛摩尼寶峯樓閣隅左邊月
輪而坐說此唄陀南

奇哉大供養 悅懌具端嚴 由薩埵徧入
速疾證菩提

爾時世尊寶生如來奉答毗盧遮那如來供
養故入寶莊嚴供養三昧耶所生名金剛三
摩地一切如來承旨大天女從自心出

縛日羅_{合二}補澀閉_二句_合

從一切如來心纔出已即彼婆伽梵持金剛
爲一切華供養嚴飾舒徧一切虛空界出已
從彼一切華供養嚴飾出一切世界微塵等

如來身出已復聚爲一體爲金剛華天女形
依如來金剛摩尼寶峯樓閣隅左邊月輪而
住說此唄陀南

奇哉華供養 能作諸莊嚴 由如來寶性
速疾獲供養

爾時世尊觀自在王如來奉答世尊毗盧遮
那供養故入一切如來光明供養三昧耶所
生名金剛三摩地一切如來女使從自心出
嚩日囉_{合二路計句一}

從一切如來心纔出已即彼婆伽梵持金剛
出一切光明界供養嚴飾舒徧盡法界從彼
一切光明界莊嚴具出一切世界微塵等如
來身出已復聚爲一體爲金剛光明天女身
依世尊金剛摩尼寶峯樓閣隅左邊月輪而
住說此唄陀南

流三

十一

奇哉我廣大 供養燈端嚴 由速具光明
獲一切佛眼

爾時世尊不空成就如來奉答毗盧遮那如
來供養故入一切如來塗香供養三昧耶所
生名金剛三摩地一切如來婢使從自心出

嚩日囉_{合二獻題句一}

從一切如來心纔出已則彼婆伽梵持金剛
出一切塗香供養嚴飾舒徧一切法界從彼
一切塗香供養嚴飾出一切世界微塵等如
來身出已復聚爲一體爲金剛塗香天女身
依世尊金剛摩尼寶峯樓閣隅左邊月輪而
住說此唄陀南

奇塗香供養 我微妙悅意 由如來香故
授與一切身

一切如來智徧入大菩提肢分三昧耶一切

如來光明戒定慧解脫解脫知見塗香如是
一切如來受教令安爾時世尊毗盧遮那如
來復入一切如來三昧耶鉤三昧耶所生薩
埵名金剛三摩地一切如來一切印衆生從
自心出

縛日羅_{合二矩餘句一}

從一切如來心纔出已則彼婆伽梵持金剛
出一切如來一切印衆從彼一切如來一切
印衆出一切世界微塵等如來身復聚爲一
體爲金剛鉤大菩薩身依世尊金剛摩尼寶
峯樓閣金剛門中月輪而住鉤召一切如來

三昧耶說此唄陀南

奇哉一切佛 鉤誓我堅固 由我徧鉤召

集諸曼荼羅

爾時世尊復入一切如來三昧耶引入摩訶

疏三

三

薩埵三昧耶所生名金剛三摩地一切如來
印入承旨從自心出

縛日羅_{合二播餘句一}

從一切如來心纔出已則彼婆伽梵持金剛
出一切如來三昧耶引入印主從彼一切如
來三昧耶引入印衆出一切世界微塵等如
來身復聚爲一體爲金剛索大菩薩身依世
尊金剛摩尼寶峯樓閣寶門間月輪而住引
入一切如來說此唄陀南

奇哉一切佛 我堅金剛索 設入諸微塵

我復引入此

爾時世尊復入一切如來三昧耶鎖大薩埵
三昧耶所生名金剛三摩地一切如來三昧
耶縛一切如來使從自心出

縛日羅_{合二薩普合二吒句一}

從一切如來心纔出已則彼婆伽梵持金剛
出一切如來三昧耶縛爲印衆從彼一切如
來三昧耶縛印衆出已出一切世界微塵等
如來身復聚爲一體爲金剛鎖大菩薩身依
世尊金剛摩尼寶峯樓閣法門中月輪而住
說此唄陀南

流三

十三之一

奇哉一切佛 大堅金剛鎖 令諸縛脫者
有情利故縛

爾時世尊復入一切如來徧入大菩薩三昧
耶所生名金剛三摩地一切如來一切印僮
僕從自心出

縛日羅_{合二}吠捨_{句一}

從一切如來心纔出已則彼婆伽梵持金剛
爲一切如來印主出已從彼一切如來印主
出一切世界微塵等如來身復聚爲一體爲

金剛徧入大菩薩身依世尊金剛摩尼寶峯
樓閣羯磨門中月輪而住說此唄陀南
奇哉一切佛 我堅金剛入 爲一切主宰
亦即爲僮僕

一切如來三昧耶鉤召引入縛調伏如是一
切如來教令爾時世尊爲一切如來召集故
作金剛彈指相說此一切如來召集加持心
縛日羅_{合二}三摩惹_{句一}

由剎那羅縛須臾頃一切如來如彈指頃相
驚覺已徧一切世界雲海中一切世界微塵
等如來并菩薩集會曼荼羅集已往詣金剛
摩尼寶峯樓閣世界毗盧遮那如來至已頂
禮一切如來足心

唵_引薩縛怛佉孽多_二播那滿娜曩迦嚩彌
由此性成就真言隨意念誦禮一切如來已

流三

十四之一

說此盟陀南

奇哉大普賢 菩薩之敬儀 是如來輪壇

影現於如來

時十方一切世界集會如來說已由一切如

來加持一切菩薩集會曼荼羅入毗盧遮那

佛心從彼一切如來心各各自菩薩眾曼荼

羅出已依世尊毗盧遮那佛金剛摩尼寶峯

樓閣周圍作壇三摩地而住說此盟陀南

奇哉一切佛 廣大無始生 由一切塵數

獲得佛一性

爾時婆伽梵一切如來復作集會令金剛界

大曼荼羅加持故得盡無餘有情界拔濟一

切利益安樂故乃至一切如來平等智神境

通三菩提最勝成就故奉請婆伽梵一切如

來主宰金剛薩埵無始無終大持金剛以此

一百八讚而請

金剛勇大心 金剛諸如來 普賢金剛初

我禮金剛手 金剛王妙覺 金剛鉤如來

不空王金剛 我禮金剛召 金剛捺大樂

金剛箭能伏 魔欲大金剛 我禮金剛弓

金剛善薩埵 金剛戲大適 歡喜王金剛

我禮金剛喜 金剛寶金剛 金剛空大寶

寶藏金剛豐 我禮金剛藏 金剛威大焰

金剛日佛光 金剛光大威 我禮金剛光

金剛幢善利 金剛幡妙喜 寶幢大金剛

我禮金剛剎 金剛笑大笑 金剛笑大奇

愛喜金剛勝 我禮金剛愛 金剛法善利

金剛蓮妙淨 世貴金剛眼 我禮金剛眼

金剛利大樂 金剛劔大器 妙吉金剛深

我禮金剛慧 金剛因大場 金剛輪理趣

能轉金剛起	我禮金剛場	金剛說妙明
金剛誦妙成	無言金剛成	我禮金剛語
金剛業教令	金剛廣不空	紫金剛徧行
我禮金剛巧	金剛護大勇	金剛甲大堅
難敵妙精進	我禮金剛勤	金剛盡方便
金剛牙大怖	摧魔金剛峻	我禮金剛忿
金剛令威嚴	金剛能縛解	金剛拳勝誓
我禮金剛拳	若有持此名	百八寂靜讚
金剛名灌頂	彼亦獲如是	若有以此名
讚大持金剛	正意歌詠者	彼如持金剛
我等以此名	一百八名讚	願大乘現證
徧流大理趣	我等請汝尊	願說最勝儀
一切佛大輪	勝大曼荼羅	
爾時婆伽梵大持金剛聞一切如來請語入		
一切如來三昧耶所生加持金剛三摩地說		

金剛界大曼荼羅

次當我徧說 勝大曼荼羅 猶如金剛界
名為金剛界 如教應安坐 於曼荼羅中
大薩埵大印 思惟應加持 住印則當起
顧視於諸方 倨傲而按行 誦金剛薩埵
以新線善合 應量以端嚴 以線智應緝
隨力曼荼羅 四方應四門 四刹而嚴飾
四線而交絡 繒綵鬘莊嚴 隅分一切處
門戶於合處 鈿飾金剛寶 應拼外輪壇
彼中如輪形 應入於中宮 金剛線徧拼
八柱而莊嚴 於金剛勝柱 應飾五輪壇
於中曼荼羅 安立佛形像 佛一切周圍
曼荼羅於中 四勝三昧耶 次第而圖畫
金剛進而步 於四曼荼羅 阿閼毗等四
安立一切佛 應作不動壇 齊金剛持等

金剛藏等滿 寶生曼荼羅 金剛眼淨等
無量壽輪壇 應畫不空成 金剛巧等壇
安立於輪隅 應畫金剛女 外壇於隅角
應畫佛供養 門中一切處 守護門四衆
安立於外壇 應畫摩訶薩 即勝三昧耶
結印如儀則 金剛師入已 摧印而徧入
此諸徧入心 請勅如本教 自身加持等
作已稱自名 應以金剛成 薩埵金剛鉤
金剛師則結 召集作彈指 應請一切佛
剎那頃諸佛 并金剛薩埵 應滿一切壇
集會曼荼羅 則速疾大印 觀金剛薩埵
一徧稱百八 由結集則喜 如來皆堅固
金剛薩自成 慈友而安住 諸門一切處
鉤等而作業 以大羯磨印 安住三昧耶
以印三昧耶 薩埵金剛等 應成大薩埵

流三

十七

誦弱吽鍍斛 則佛等一切 召集大薩埵
鉤召引入已 縛以今調伏 則以密供養
令喜大威德 應自有情利 願作一切成
如是諸壇中 金剛師事業
金剛頂一切如來真實攝大乘現證大教正
經卷中

音釋

胃直又切懽夷益切懽懽語寒切懽懽列切懽懽耕切
切以繩也 金鈿寶飾物也拏與拏同

金剛頂一切如來真實攝大乘現證大教王
經卷下

流四

唐特進試鴻臚卿三藏沙門大廣智不空奉詔譯

大曼荼羅廣大儀軌品之三

次當廣說金剛弟子入金剛大曼荼羅儀軌

流四

於中我先說令入盡無餘有情界拔濟利益

安樂最勝悉地因果故入此大曼荼羅是器

非器不應揀擇何以故世尊或有有情作大

罪者彼入此金剛界大曼荼羅見已入已離

一切惡趣世尊或有有情諸利飲食貪欲滌

著憎惡三昧耶為先行等如是等類隨意愛

樂入已則得滿一切意願世尊或有有情愛

樂歌舞嬉戲飲食翫具由不曉晤一切如來

大乘現證法性故入餘天族曼荼羅於滿一

切意願攝受無上能生愛樂歡喜一切如來

族曼荼羅禁戒怖畏不入為彼入惡趣壇路

門應入此金剛界大曼荼羅為令一切適悅

最勝悉地安樂悅意受用故能轉一切惡趣

現前道故世尊復有住正法有情為一切眾

生求一切如來戒定慧最勝悉地方便佛菩

提故久修禪定解脫地等勞倦彼等入此金

剛界大曼荼羅纔入已以一切如來果尚不

難何況餘悉地類次當且先以四禮禮一切

如來全身舒臂金剛合掌以心臆著地禮東

方真言曰

唵引薩縛怛佉孽多二布儒唇開口跋薩佉

合二曩耶引怛麼合二南你嚩耶合二多夜彌三薩

縛怛佉孽多四縛日囉合二薩怛縛合二地瑟姹

薩縛捨五

即前金剛合掌住心以額禮南方真言曰

庵一引薩縛怛佗孽多二布惹引毗曬迦耶引

怛麼南涅槃夜合二多夜彌三薩縛怛佗孽多

四縛日羅合二羅怛曩合二毗訖遮捨五

即前金剛合掌安於頭以口著地禮西方真

言曰

庵一引薩縛怛佗孽多二布惹鉢羅合二鉢栗多

合二那夜引怛麼合二南涅槃夜合二多夜弭三薩

縛怛佗孽多四縛羅合二達摩鉢羅合二鉢栗多

合二夜捨五

即前金剛合掌當心以頂著地禮北方真言

曰

庵一引薩縛怛佗孽多二布惹羯磨寧呼輕阿怛

麼合二南涅槃夜合二多夜弭三薩縛怛佗孽多

四縛日羅合二羯磨句路捨五

則以緋繒角絡披以緋帛覆面令弟子結薩

埵金剛印以此心

三摩耶薩怛鍍二合

則以二中指令持華鬘以此心真言令入三

摩耶吽

入已作是言

阿你也合二薩怛鍍合三薩縛怛佗孽多句犁鉢

羅尾瑟姹二合薩跢合二娜悍諦二縛日羅合二

枳孃合二曩母怛跋合二那以使也合二弭三戔那

枳孃合二泥曩怛鍍合二薩縛怛佗孽多悉地

囉避鉢囉鉢旦嘶五金吉淫布曩囉你也引

悉駄藥六囉惹娜遮怛縛耶七涅槃瑟吒摩

訶曼拏羅寫八縛羯哆尾闍麼提三摩諭九

尾也剃你帝切十

金剛阿闍黎自應結薩埵金剛印及安弟子

頂作是言此是三昧耶金剛摧汝頂不應說

加持誓水一遍令弟子飲誓水真言曰

縛日囉_{合二}薩怛縛_{合二}薩縛延諦_一你耶訖唎

那曳_二娑麼縛悉體_切以_三哆_三捏_切逸避你

也_{合二}薩怛乞叉_{合二}喃_四夜耶你也你沒嚕耶

你_五難那_{合二}闍縛日路_{合二}娜迦_六圻

則告弟子自今已後汝觀娑路我如金剛手

我所應言汝當如是作汝不應輕慢於我勿

令汝招災禍死已當墮地獄作是語已惟願

一切如來加持願金剛薩埵徧入金剛阿闍

黎應結薩埵金剛印作是言

阿衍怛三摩欲_{開口}縛日覽_{一合二}縛日囉_{合二}

薩怛縛_{二合}弭底_三薩蜜哩_{合三}耽阿尾捨野

都_三諦曳縛縛日囉_{合二}枳孃曩摩弩怛藍_四

縛日囉_{合二}吠奢惡_五

則結忿怒拳摧薩埵金剛印隨意金剛語誦

大乘現證百字真言則阿尾捨纔阿尾捨已

則發生微妙智由此知佗心悟佗心於一切

事知三世其心則得堅固於一切如來教中

悉除一切苦惱離一切惡趣於一切有情無

沮壞一切如來加持一切悉地現前得未曾

有生喜悅安樂悅意由此安樂等或成就三

摩地或陀羅尼門或一切意願皆得滿足乃

至成就一切如來體性則結彼印以解於弟

子心誦此心真言

底瑟姤縛日囉_{合二}涅哩濁銘婆縛_一捨涅縛

親銘婆縛_一吃唎_{合二}娜閻銘地底瑟姤_三薩

縛悉朕_切遮銘鉢囉_{合二}也車_四吽呵呵呵

呵斛_五

則以其華鬘令弟子擲於大曼荼羅以此心

真言

鉢羅底車縛日囉合二斛引一

隨華落處則彼尊成就則取彼華鬘繫彼弟

子頭上以此心真言

唵引一鉢羅合二底合二仞哩合二紇拏合二怛縛合二弭

鎗薩怛縛摩訶麼攞三

由此則大薩埵攝受速得成就成入已則解

面以此心真言

唵引一縛日囉合二薩怛縛合二薩縛延帝你耶二

灼乞芻合二娜伽吒三曩怛鉢路烏娜伽吒

野底切四以薩縛乞芻合二縛日囉合二灼乞芻囉

弩多路五

則誦見真言

係縛日囉合二波捨句一

則令弟子次第而視大曼荼羅纔見已一切

如來加持護念則金剛薩埵住彼弟子心則

流四

五

見種種光相遊戲神通由見曼荼羅由如來

加持故或見婆伽梵大持金剛示現本形或

見如來從此已後一切義利一切意所樂事

一切悉地乃至獲得持金剛及如來示大曼

荼羅已則以金剛加持香水餅灌弟子頂以

此心真言

縛日囉引二合毗誑遮句一

則隨以一印繫髮以自標幟安於二手掌中

誦心真言

阿你也合二毗色羯哆二合薩怛縛合三麼斯沒

伐二縛日囉合二毗節羯哆三合伊難帝薩縛

勃駄怛鍍合二吃哩合二紇拏合二縛日囉合二蘇

悉駄曳五唵六縛日囉合二地波底怛縛七麼

毗誑遮彌八底瑟姹縛日囉合二三摩耶薩鍍

九合二

則以金剛名灌以此心真言

唵一引縛日囉合二薩怛縛合二左麼毗訖遮弭二

縛日囉合二曩摩毗師羯哆三二係縛日囉合二

麼麼四

金剛某甲若與弟子授名號應加係用呼之
已廣說入一切曼荼羅儀則問弟子言汝愛
樂出生悉地智邪神通悉地智邪持明悉地
智邪乃至一切如來智最勝悉地智邪隨彼
所樂應說之則教義利悉地成辦印智

金剛形住藏 當於心中觀 觀已住於地

則當見伏藏 金剛形觀已 空中而徧觀

若見隨墮處 彼則是伏藏 金剛形於舌

智者應是觀 自言此處有 語已成真實

金剛形一切 應當觀自身 徧入落於彼

其處是伏藏

注四

六

彼等心真言

縛日囉合二你地一囉怛曩合二你地二達麼你

地三羯麼你地四

次應教金剛悉地成辦印智

金剛入生已 水成金剛形 由觀速成就

於水上遊行 復生金剛入 身色如自形

修習於如是 自然如佛形 徧入於自身

自身觀如空 隨樂修習已 則得安達怛

金剛入自己 觀自如金剛 乃至踊上昇

則得虛空行

如是等真言曰

縛日囉合二惹攞一縛日囉合二嚕波二縛日囉

引二合迦奢三縛日囉合二麼哈四

次則教金剛持明悉地成辦印智

應觀月形像 上踊於虛空 手攀於金剛

得金剛持明 升於月輪上 應觀金剛寶

淨身者隨欲 剎那成騰空 升於月輪已

手持金剛蓮 應觀金剛眼 則得持明位

住於月輪中 應觀業金剛 速獲金剛巧

則得諸持明

如是等真言曰

縛日羅合二達落一羅怛曩合二達落二播娜磨

合二達落三羯磨達落四

次則教一切如來最勝悉地成辦印智

住諸金剛定 思於虛空界 隨樂金剛身

剎那成騰空 住諸淨等持 修習於最勝

獲得五神通 速疾智成就 觀金剛薩埵

徧於一切空 速念堅固已 則爲持金剛

一切成佛形 觀想於虛空 由諸佛等持

則得成正覺

如是等真言曰

縛日羅合二縛日羅一合述駄述駄二薩怛縛

合二薩怛縛三合沒駄沒駄四

如上是一切悉地智成辦

次當令弟子持祕密堪忍法初旦誦誓心真

言

唵一縛日羅合二薩怛縛二合薩縛延諦你耶

三合吃唎合二那曳四平聲薩摩縛悉體切以哆

捏切泥逸避你也五怛乞叉喃夜耶六你也你

沒嚕耶你難那去闍

則告如是言汝不應越此誓心真言勿令汝

招災禍夭壽以此身墮地獄則應教祕密印

智

生金剛入已 等引而手指 微細金剛掌

山石尚敬愛

次是金剛指印

入金剛儀已 金剛縛掌擊 以微細掌法

山石尚徧入 以如上入儀 金剛縛舒展

勝拍應等摧 剎那壞百族 微細徧入儀

諸指以等引 金剛縛爲解 能棄勝諸苦

次當說秘密成就

於婆伽身入 女人或丈夫 一切想入已

彼身令徧舒

如是等心真言曰

縛日羅^二縛苦^一 縛日羅^二尾捨^二縛日羅

^二訶那^三縛日羅^二訶羅^四

即應授與心真言已教自本尊四智印以此

儀則告弟子言汝慎於餘人未知此一印不

應指示何以故彼有情不見大曼荼羅輒結

彼等皆不成就則生疑惑招災禍速死墮於

無間大地獄墮於惡趣

次當說一切如來薩埵成就大印智

從心智應發 應觀金剛日 觀自爲佛形

應誦金剛界 由此纔成就 獲智壽力年

得一切徧行 佛體尚不難

此是一切如來現證菩提印

次當說結金剛薩埵成就大印

倨傲撈擲杵 等持金剛慢 身口心金剛

成金剛薩埵 由此徧行印 諸欲生安樂

通壽力勝色 如金剛薩埵 以三金剛儀

如盡順修習 標幟印相應 成就大薩埵

我今說諸教 能成及所成 成就者大業

我今次第說 每日先依時 及自加持等

作以成如初 然後應隨意

次當廣說大印成就儀則

徧入金剛已 大印如儀則 身前當應結

思惟大薩埵 見彼智薩埵 應觀於自身

鈎召引入縛 令喜作成就

如是等眞言曰

縛日羅 合一薩怛縛 合二噫 句一

此是金剛徧入心

縛日羅 合二薩怛縛 合二涅槃舍野 句一

此是大薩埵觀念心

弱吽鍍斛 句引一

此是大薩埵鈎召引入縛令喜心

誦三昧耶薩怛鍍 徧入背後而月輪

於中應觀而薩埵 我三昧耶薩怛鍍

隨彼薩埵印 修習觀自身 金剛語以成

能成就諸印 誦弱吽鍍斛 身中入諸佛

應作善思惟 令大印成就 我今說事業

金剛業無上 由觀佛成就 速獲佛自性

成薩埵金剛 爲諸佛主宰 由結實金剛

爲諸寶主宰 成就法金剛 則能持佛法

由業金剛印 則爲金剛業 成金剛薩埵

由結薩埵印 能召持金剛 金剛召相應

金剛捺大印 能捺一切佛 令喜一切佛

由金剛善哉 奉施佛灌頂 由寶印儀則

速爲金剛光 由金剛光儀 持習金剛幢

則滿一切願 由金剛笑儀 共諸佛戲笑

持金剛法尸 法尸 由金剛法儀 得諸佛勝慧

由金剛利儀 法尸 持習金剛輪 則能轉法輪

成就佛語言 由金剛語儀 速獲金剛業

由作金剛業 擐服金剛甲 獲得金剛身

成金剛藥叉 如金剛藥叉 一切印成就

由結金剛拳 以金剛嬉戲 獲大金剛悅

由結金剛鬘	從佛獲灌頂	金剛歌相應
獲得金剛歌	由結金剛舞	則供養諸佛
悅懌皆一切	由金剛燒香	金剛華相應
令敬諸群品	由金剛燈印	供養故獲眼
能除一切苦	由金剛香儀	由金剛鉤召
能作諸勝業	能一切引入	由金剛索儀
金剛鎖相應	堪任一切縛	由金剛入儀
能成諸徧入		
次當說一切如來金剛三昧耶智印		
堅固結合掌	諸指互交結	名爲金剛掌
極結金剛縛	諸三昧耶印	皆生金剛縛
我今說結儀	金剛結無上	堅薩埵金剛
中指堅如牙	大中如實形	中指而反屈
餘指如蓮葉	中指於交合	頭指附中指
名爲第五佛		

流四

十一

我今徧說如來族三昧耶勝印

由結作成就	二手如月形	中指如金剛
餘指面不著	金剛薩埵印	頭鉤勝指交
由如彈指勢	金剛薩埵四	此爲衆印等
寶金剛頭指	面合而反屈	中無名小指
舒展旋當心	無名指如幢	及與小指合
復住於笑處	則名彼等印	豎齊二大指
頭指屈如蓮	則彼金剛劍	中合屈上節
則彼齊無名	小指交如輪	則解大指縛
舒展從口起	小大指面合	集會業金剛
則彼齊頭指	住心而舒展	曲頭指如牙
小指亦復然	大指小指間	頭指屈其上
於心齊大指	展臂名爲鬘	勝掌從口散
作舞頂上合	金剛縛下施	自掌上獻
齊頭指相逼	舒展如塗勢	由一頭指屈

二頭指結縛	大頭端如鎖	如金剛拳合
我今說能成	金剛成最勝	自印住於心
薩埵金剛定	次說作事業	金剛業無上
金剛界等印	由集會如來	壇師於弟子
剎那成加持	結薩埵金剛	則成持金剛
纔結金剛鉤	能召一切佛	欲金剛儀故
尚捺等覺者	由金剛歡喜	善哉聲皆喜
由結寶金剛	從佛獲灌頂	由結金剛日
如佛得圓光	持金剛幢已	則滿一切願
金剛笑儀故	共諸佛等笑	持法金剛印
等同法金剛	徧持金剛劍	得慧救世者
持習金剛輪	則能轉法輪	由金剛語故
金剛語成就	徧持業金剛	等同金剛業
堅作金剛護	成身如金剛	金剛牙勝印
能摧諸惡魔	堅結金剛拳	順伏諸契印

流四

十二

由戲得喜悅	由髮得莊嚴	由語語威肅
得供由舞故	焚香滋澤世	由華色端嚴
由燈世清淨	由香獲妙香	金剛鉤召得
金剛索得入	金剛鎖能縛	金剛鈴徧入

我今說法印

縛日囉惹南通佛 能作堅固金剛界
 次復我今當徧說 法印勝契如本儀
 誦三昧耶薩怛鑿 一切印契爲主宰
 誦阿娜耶娑縛已 即能鉤召一切佛
 阿斛蘇佉稱誦已 捺愛一切諸佛等
 娑度娑度是語已 皆已善哉令歡喜
 蘇摩訶怛鑿誦已 則獲一切佛灌頂
 嚧褒你庾多語已 則獲正法威德光
 誦遏佉鉢囉波底 能滿一切殊勝願
 呵呵呬嚧作是笑 獲得如來微妙笑

薩縛迦哩是誦已

能淨非法皆清淨

藉法掣那誦持已

能斷一切苦受業

沒馱冒地是言已

於曼荼羅爲主宰

鉢羅底捨那誦已

共頂諸佛談語論

蘇縛始怛鍍誦已

徧行一切而自在

你婆也怛鍍語已

剎那則得無所畏

誦捨怛嚕薄乞叉

能啖一切怨敵者

薩縛悉地是誦已

獲得一切妙悉地

摩訶囉底得適悅

嚕波輸陞亦復然

室嚕怛囉燥佉得樂

薩縛布誓得供養

鉢囉訶囉你你悅

頗囉誡弭獲得果

素帝惹乞哩得光

素獻蕩礙得妙香

阿夜咽弱成鉤召

阿咽咩咩能引入

係薩普吒鍍大將

健吒惡惡令震動

我今說法印

成就令清淨

於舌觀金剛

能作諸事業

次說羯磨印

應結金剛拳

等引而兩分

成二金剛印

次則說結縛

持作金剛指

右手安於左

此印名覺勝

能與佛菩提

不動佛觸地

寶生施願印

無量壽勝定

不空施無畏

次今當徧說

羯磨印次第

金剛薩埵等

能轉金剛業

左慢右擲擲

安住持鉤勢

相應如射法

善哉於心住

灌頂二金剛

於心示日形

右肘住左拳

二掌反於口

右蓮右開勢

左心劍殺害

旋轉如火輪

金剛二口散

金剛舞旋轉

兩頰住於頂

甲冑小指牙

二拳而相合

應以金剛鬘

頂禮意戰悚

繫鬘口下寫

旋轉金剛舞

以金剛拳儀

應獻燒香等

一切佛供養

分別供養印

小指互相鉤

頭指如大鉤

如索二如鎖

手背而相逼

我今說成就

金剛業作等

應羯磨金剛

於心而修習

次說羯磨印

金剛業種種

由結智拳故

能徧入佛智

由結阿闍毗

獲得無傾動

由結寶生印

能攝受於他

由結法輪印

則能轉法輪

由無畏勝速

施有情無畏

堅作金剛鬘

金剛薩埵樂

由金剛鉤召

剎那進諸佛

金剛箭令漆

尚能金剛妻

金剛喜諸佛

咸施善哉聲

結大金剛寶

從師受灌頂

徧持金剛日

得如金剛日

堅金剛幢幡

則得雨寶雨

徧持金剛笑

速佛平等笑

徧持金剛華

則見金剛法

堅結金剛劍

能斷一切苦

徧持金剛輪

能轉於法輪

所有諸佛語

成以金剛語

金剛舞供養

尚令佛順伏

由持金剛甲

獲金剛堅實

徧持金剛牙

尚能壞金剛

金剛拳能奪

獲得印成就

金剛喜得悅

金剛鬘妙色

金剛語妙語

金剛舞令順

以香意悅懌

以華奪一切

燈供大熾盛

金剛香妙香

金剛鉤能召

金剛索能引

金剛鎖令縛

金剛磬令動

我今廣說一切印都結儀則先當金剛縛摧

拍自心誦心真言曰

縛日囉_二滿馱怛囉_二吒_一

則一切印縛於自身口心金剛得自在即結

金剛徧入三昧耶印誦此心真言_{十五}

唵

則成徧阿尾捨如親友加持則三昧耶印想

念大薩埵誦此心金剛真言

摩訶三昧耶薩怛無_{無毛切}一_二哈_二

由此真言一切印皆得成就此是一切印成就廣儀則我說都廣儀則初結自印結已自印薩埵觀自身以此心真言

三摩庾唎_{句一}

則自印薩埵觀自身已以此真言加持

三麼耶薩怛縛_{二合}地瑟姪薩縛唎_二

則然後應成就此是成就儀則次說初欲求義利成就以此真言

遏佗悉地_{句一}

由此真言隨意得金剛成就次說金剛悉地

成就以此心真言

縛日囉_{合二}悉地_{句一}

次說持明成就以此心真言

縛日囉_{合二}尾你也_{合二}達囉_{句一}

由此隨意即得持明成就欲求最勝成就以

自印真言當求成就我今說一切都自身口心金剛中令作如金剛儀執若印加持緩慢若意欲解則以此心真言令作堅固真言

唵_引縛日囉_{合二}薩怛縛_{合二}三摩耶麼弩跋_引

囉耶_二縛日囉_{合二}薩怛縛_{合二}怛尾怒跋底瑟

姪_{三合}捏哩_{合二}濁寐婆縛_四蘇親使使寐婆

縛_五阿弩囉羯都_{合二}寐婆縛_六蘇布使使寐

婆縛_七薩縛悉朕寐鉢囉也車八薩縛羯麼

素者寐質多九室哩藥矩嚕十吽呵呵呵呵

斛十一婆誡梵_二薩縛怛佗孽多縛日囉摩弭_{十六}

計悶遮縛日囉_{合二}婆縛_四摩訶三摩耶薩怛

縛_{合二}惡_五

由此真言設作無間罪謗一切如來及方廣大乘正法一切惡作尚得成就一切如來印者由金剛薩埵堅固體故現生速疾隨樂得

一切最勝成就乃至獲得如來最勝悉地婆伽梵一切如來金剛薩埵作如是說我今都說一切印解脫儀則從彼彼出生所有一切印於彼彼當解由此心真言

縛日羅合二穆句一

從自心起金剛寶印安於灌頂處以勝指自灌頂分手纏頭繫髮

次結甲冑以此心真言

唵引縛日羅合二薩怛曩合二毗訖者給二薩縛

母捺囉合二銘捺哩合二穉短嚕三縛日羅合二迦

縛制那釧

被甲已以齊掌拍令歡喜以此心真言

縛日羅合二觀使耶斛引一

由此心真言 解縛得歡喜 獲得金剛體

流四

十七

如金剛薩埵

一徧誦金剛薩埵 隨意愛樂住安樂

纔誦皆得速成就 如金剛手之所說

婆伽梵普賢作如是說

金剛薩埵等薩埵 一切成就作事業

隨意念誦於此中 於諸事業速成就

真言心印及諸明 隨樂修習諸理趣

於教所說及自作 皆得成就徧一切

次說四種祕密供養應作以此金剛歌詠真言

言

唵引縛日羅合二薩怛曩合二僧孽囉合二賀一縛

日囉合二囉怛曩合二麼努怛藍二合縛日羅合二

達摩誡耶柰引縛日羅合二羯摩迦嚕婆縛四

於曼荼羅中以此金剛讚詠而歌以金剛舞

以二手掌及供養華等作供養於外曼荼羅

金剛香等供養已安於本處一切隨力而供養
啓白一切如來隨意香等供養已入曼荼羅者隨力以獻大曼荼羅一切滋味飲食安樂等一切資具令充足受用應受與一切如來成就金剛禁戒

此是一切佛體性 住於金剛薩埵手

汝今應當而受持 金剛薩埵堅固禁

唵引薩縛怛佉孽多悉地二縛日囉合三摩

耶底瑟姤三合翳沙怛鏖合馱囉夜弭四縛

日囉合薩怛縛合四四四吽五

則各各復告言勿得說於餘人則誦誓心真言先已入者啓白一切如來結薩埵金剛印從下向上解以此真言曰

唵引訖哩合二都縛薩縛薩怛縛合二唎佉悉地

捺多二也佉督誡孽車馱梵三合沒馱微灑

誦四

十八

閻四補那羅誡曩也都五縛日囉合二薩怛縛合二穆六

如是於一切曼荼羅三昧耶勝印而作解金剛頂一切如來真實攝大乘現證大教王經卷下

音釋

晤五故切跋補火切曬所賣切誑疏臻切垢恥格切

標幟也幟並旗之類也擲擲初尤切擲擲初尤切擲擲初尤切

胡慣切獲獲切獲獲切獲獲切獲獲切獲獲切

也貫也獲獲切獲獲切獲獲切獲獲切獲獲切

頰面古切頰面古切頰面古切頰面古切頰面古切